

Vatan yagonadir,
Vatan bittadir!

N:18 (67079)
2016-yil
2-may

www.tongyulduzi.uz

Gazeta 1929-yil 1-avgustdan chiqa boshlagan

O'zbekiston Respublikasi bolalar va o'smirlar gazetasi

ISSN - 2010-6092

**DARGOHIMIZ
YUKSAK, ULUG'VOR,
USTOZLARNING
ILMI BIZGA YOR!**

Farg'ona viloyatining Furqat tumanidagi 2-umumta'lim maktabida bugungi kunda 56 nafar pedagog 836 nafar o'quvchiga bilim berib kelmoqda. Ta'lim maskani estetik fanlar yo'nalishi bo'yicha viloyatda «Mahorat maktabi» hisoblanadi. Ushbu dargoh tumanda axborot kommunikatsion texnologiyalarini o'rganish bo'yicha tayanch maktabi, «Oila-mahalla-ta'lim muassasasi» hamkorligi konsepsiyasi bo'yicha namunali o'quv maskani sanaladi.



«KAMALAK» JILOSI

Xorazm viloyatida «Kamalak» bilimdonlari» ko'rik-tanlovining respublika bosqichi bo'lib o'tdi



Prezidentimizning «O'zbekiston Respublikasida yoshlarga oid davlat siyosatini amalga oshirishga qaratilgan qo'shimcha chora-tadbirlar to'g'risida»gi Qarori ijrosi doirasida umumta'lim maktablarida ham qator loyihalar, ijodiy tadbirlar bo'lib o'tmoqda. Jumladan, «Kamalak» bilimdonlari» ko'rik-tanlovi ham bu borada alohida ahamiyatga ega. «Kamolot» yoshlar ijtimoiy harakati markaziy Kengashi tomonidan tashkil etilgan mazkur tadbirning quyi bosqichlarida 10 yoshdan 14 yoshgacha bo'lgan 492 ming o'g'il-qiz ishtirok etdi. Unda tanishtirish mahorati, «Kamalak»chilar faoliyati va yoshlarning faolligini yanada oshirish, ularda yetakchilik qobiliyatini shakllantirishga qaratilgan ijodiy loyihalar taqdimoti namoyish qilindi.

Tanlovning yakuniy bosqichida 14 jamoa ishtirok etgan bo'lsa, shundan Xorazm viloyatining «Kamalak» zukkolari» jamoasi 1-, Toshkent viloyatining «Kamalak» jamoasi 2-, Qoraqalpog'iston Respublikasining «Kamalak» yulduzlari» jamoasi 3-o'ringa sazovor bo'lishdi.

O'z muxbirimiz

Ertaga bobojonimning quchog'i gullarga to'ladi. Nega, deysizmi? Chunki ulug' bayram arafasida tavallud topgan bobojonimizga atab chiroyli gullarni saralaymiz.

BIZ – BUVAMNING QUVONCHI



U kishining ajoyib fazilatlaridan yana biri badiiy asarlarni ko'proq mutolaa qilishida. Javondagi ko'plab kitoblarda «Murtazo SULTONOVga samimiy ehtirom ila», deya yozilgan muallif dastxatlarini ko'rib, ularga havasimiz keladi. Yana bobom yoshimizga qarab har yili bizlarni turli gazeta va jurnallarga obuna qilishni kanda qilmaydi. Shu bois bo'lsa kerak, mutolaani hammamiz yaxshi ko'ramiz. Bobom esa bundan juda quvonadilar. Ularning mamnun chehralarini ko'rib, ko'nglimiz yorishadi. U kishini ko'proq xursand qilgimiz keladi.

Kelajakda bilim cho'qqilarini egallab, bobomning ko'ngliga munosib farzand bo'lishga va'da beramiz.

Saida OMONJONOVA,
Toshkent shahri, Yashnobod tumanidagi 145-umumta'lim maktabining 2-sinf o'quvchisi

Sirdaryoda bo'lib o'tgan ko'rik-tanlov o'zgacha nishonlandi.

DOIRALAR SADOSI

Olamni childirmaning sho'x sadolari bosib ketgandek edi, go'yo. Gulistonda tashkil etilgan «Zarb» ko'rik-tanlovining viloyat bosqichida «Barkamol avlod» bolalar markazlari, umumta'lim hamda musiqa va san'at maktablaridagi to'garak a'zolaridan iborat 48 nafar yosh doirachilar o'z mahoratini namoyish etishdi.

Viloyat xalq ta'limi boshqarmasi, «Barkamol avlod» bolalar markazi, «Kamolot» yoshlar ijtimoiy harakati viloyat Kengashi hamkorligida tashkil etilgan mazkur tanlovda Guliston shahridagi 2-bolalar musiqa va san'at maktabi o'quvchisi Komiljon Sodiqjonov yakkaxon doirachilar o'rtasida g'oliblikni qo'lga kiritdi. Guruhlar o'rtasidagi bellashuvda ushbu maktabning «Zarb-ziyo» jamoasi birinchilikni egalladi. G'oliblar respublika bosqichida bellashadi.

Xurshida SULAYMONOVA



O'rtaga tushishga hech kimning jur'ati yetmasdi.

Kutilmaganda Raimboy degan yigit davraga chiqib, mehmon polvon ustidan g'alaba qozonib, mahallamiz sha'nini saqlab qolgandi. Uning bu ishi ancha paytgacha odamlar tilidan tushmadi. Lekin yillar o'tgani sari asta-sekin unutilib ketdi.

Adashmasam, o'sha kezlar birinchi yo ikkinchi sinfda o'qirdim. Yon qo'shnimiz Abdug'afvor tog'a o'g'ilchasining to'yida kurash musobaqasini o'tkazishi haqidagi xabar bir zumda butun mahallaga tarqaldi.

Biz yoshlar kun sanashga tushdik. Nihoyat, karnay-surnay sadolari ostida to'y boshlanib, barchamiz intizor bo'lib kutayotgan kurash musobaqasi boshlandi. Asta-sekin kichik sovrinlar egalariga tarqatilgach, eng katta sovrin uchun bellashuv boshlandi. Qo'shni mahalladan kelgan polvonning qo'li baland kelib, asosiy sovringa da'vogarligi ma'lum bo'lib qoldi.

POLVONLARI E'ZOZLANGAN YURT

Kuni kecha poytaxtimizdagi O'zbekiston Milliy kutubxonasida Polvonlar Milliy Markazi tomonidan 26–28-may kunlari Urganch shahrida bo'lib o'tadigan «Siz polvonlaringizni bilasizmi?» Respublika tanlovini yuqori saviyada o'tkazishga bag'ishlangan matbuot anjumanida qatnashar ekanman, yuqoridagi voqea magnit tasmasidek xotiramdan o'tdi.

Katta sport maydonini tark etgach, nomlari unutilib ketgan yakkakurashning mashhur polvonlari nomini qayta tiklash va tarixga abadiy muhrlash, shu orqali o'sib kelayotgan yosh avlod qalbida Vatanga sadoqat, milliy qadriyatlarga hurmat, o'ziga ishonch, sportga muhabbat tuyg'ularini uyg'otish kabi ezgu maqsadlar yo'lida harakat qilayotgan Markaz faoliyati diqqatga

molikdir. Ayni chog'da bu ezgu harakatlar xorijiy davlatlarda ham katta qiziqish uyg'otmoqda. Har bir viloyatdagi mashhur polvonlar hayotiga bag'ishlangan 14 jildli «Polvonlar ensiklopediyasi» chop etilishi ajoyib tuhfa bo'ldi.

2011-yildan buyon ta'lim muassasalarida o'tkazib kelinayotgan mazkur tanlovda bir milliondan ziyod o'quvchilar ishtirok etib kelmoqdalar.

Eng asosiysi, yoshlarimiz qalbida o'z polvonlari bilan faxrlanish hissi paydo bo'ldi. Ular ota-bobolaridan o'z hududlarida yashab o'tgan pahlavonlar haqida so'rab, chiroyli albomlar, slaydlar tayyorlamoqdalar. Endi ularning nomi unutilib ketmaydi.

Yusuf ABDULLAYEV

Bobolar jasorati - ibrat maktabi



Abdulla o'zi o'qiydigan Uchtepa tumanidagi 75-umumta'lim maktabidan qaytgach, o'qituvchisidan eshitgan gaplarini ota-onasiga aytdi. Shunda otasi Rustamjon aka go'zal poytaxtimiz markazida bunyod etilgan muaz-zam Xotira maydonida vatandoshlarimizning aniq ism-shariflari, manzillari, dafn etilgan joylari marmar toshlarga zarhal harflar bilan

7-«A» sinf rahbari bu qo'yilgani, endilikda muqaddas maydon ziyoratgohlardan biriga aylangani haqida so'zlab berdi. — O'g'lim, sening bobong Muham-madjon Hotamov ham 1939-yilda majburiy harbiy xizmatga chaqirilib, 1941-yildan 1945-yilgacha fashist bosqinchilariga qarshi jangda qatnashganini bilasan-a? — deb so'radi.

— Ha, oilaviy albomda bobomning Ikkinchi jahon urushida uchuvchilar kiyimida tushgan fotosuratlarini ko'rganman. Ular uchuvchi bo'lganmi?

— Urushning dastlabki kunlari uchuvchilar yetishmagan. Shunda bobong uchuvchilar tayyorlash kursiga kirib o'qigan, harbiy texnikani mukammal o'zlashtirgan. Erishilgan g'alabada bobongning ham o'ziga yarasha hisssasi bor. U kishiga 1994-yilda «Jasorat» medali ham bejjiz berilmagan.

Dadasidan bu gaplarni eshitgan Abdullaning qalbida cheksiz g'urur va iftixor tuyg'ulari jo'sh urdi. Tarbiyaviy soatda sinfdoshlariga bular haqida gapirib berishni ko'ngliga tugdi.

...Xotira maydoni odamlar bilan gavjum.

Tevarak-atrof yashillikka burkangan, manzara nihoyatda chiroyli, hammayoq ozoda. Anvoyi gullar barq urib ochilgan, nafis bo'ylari dimoqqa xush yoqadi. Motamsaro ona haykalini ziyorat qilib, poyiga gullar qo'ygan 7-«A» sinfi o'quvchilari noan'anaviy darsni boshlashdi. Ustoz ularga Yurtboshimiz tashabbusi bilan e'lon qilingan 9-may — Xotira va qadrlash kuni mamlakatimizda umumxalq bayrami sifatida 16 yildan buyon keng tinchlanib kelinayotgani, xotirlash va qadrlash tushunchalari asl milliy qadriyatlarimiz, ota-bobolarimizdan bizga o'tib kelayotgan insoniy urf-odatlarimiz, fazilatlarimizga to'liq hamohangligi bilan ahamiyatli ekanligi haqida to'xtaldi.

Shuningdek, o'quvchilar 34 jilddan iborat «Xotira kitobi» nashr etilgani, bu kitoblarda 430 mingdan ortiq vatandoshlarimiz to'g'risida ma'lumotlar jamlanganini bilib olishdi. Ota-bobolarimiz jasorati, matonati, Vatan va millat oldidagi burch tuyg'usini yurakdan anglab, jang-u jadallarda qahramonlik ko'rsatganliklari yosh avlod uchun katta saboqdir. O'quvchilar tarixiy voqealardan to'g'ri xulosa chiqarib, yurtimizda barqaror tinchlikni ta'minlash, Istiqlol qadriga yetish, urush olovini yoquvchi yovuz kuchlarga qarshi qat'iy kurashish davr taqozosi ekaniga amin bo'lishdi.

DILOROM tayyorladi

KITOB O'QISH YAKSHI EKAN

Men 1-sinfda o'qiyman. Ustozim Nilufar opa Ibragimovadan yozish, o'qish, matematika, odobnoma, rus tili, ingliz tili fanlarini puxta o'rganishga harakat qilyapman. Barcha fanlardan a'lo baholar olyapman.

Rapqon qishlog'imizda katta bog'imiz bor. Bo'sh vaqtlarimizda akam Elnur va Madamin bilan daraxtlarni parvarishlashda otamga yordamlashamiz.

Yaqinda otam menga Malik Murodovning «Oltin sandiq ochildi» nomli kitobini sovg'a qildilar. Uni mazza qilib o'qiyapman. Buvijonimga ham o'qib beryapman. Kitob o'qish menga yoqdi. Endi har oyda 1 ta yangi kitob o'qishni rejalashtirib oldim. Tengdoshlarimga ham kitoblarni asrab-avaylab, qunt bilan o'qishga odatlaning, degim keldi.

Nilufar MAHMUDOVA,
Farg'ona viloyati, Beshariq tumanidagi 44-umumta'lim maktabining 1-«V» sinf o'quvchisi



Bizga maktub yo'llabsiz...

BILIMDONLAR MAHORATI

Turli fanlarni a'lo baholarga o'zlashtirayotgan, namunali xulq-atvori bilan ajralib turadigan o'quvchilar ko'pchilikni tashkil etadi. Ular orasida Sarvina Davlatova, Sobir Burhonov, Shahnoza Ibragimova, Zebo Eshdavatova, Maftuna Qozoqova, Mohira Burhonova, Nigina G'ofurova kabi o'quvchilarni maktabimiz faxri, desak mubolag'a bo'lmaydi. Bu o'quvchilar sport bilan ham muntazam shug'ullanib, maskanimizda tashkil etilgan turli sport to'garaklarining a'zosi hamdir. Ustozimiz Nodir aka Do'stmurodov ulardan ibrat olishimizni alohida ta'kidlaydilar. Men ham maktabdoshlarimdan o'rnak olishga intilmoqdaman.

Mohiniso BOBOQULOVA,
Samarqand viloyati, Pstdarg'om tumanidagi 18-umumta'lim maktabining 9-«A» sinf o'quvchisi

TOSHKENTDA «FAVORALAR SAYLI»

Musiqangayrapti. Chiroyli musiqaga oqqush misol raqsga chog'langan favvoralarini ko'rib, ko'zlarimiz qunvaydi. U ohangga mos ravishda birdaniga ko'pirib, tezlashib, dam sekinlashib, mavjlanib qoladi. Yurtimizda mana shunday musiqali favvoralarining ko'payishi kishiga olam-olam zavq ulashmoqda...

Musiqali favvoralar atrofida diltortar qo'shiqlar yangrab, bolalarning sho'x-shodon qiyqiriqlari quloqqa chalinadi. Ayniqsa, rang-barang chiroqlar yog'dusidagi favvoralarini ko'rib, zavqqa to'lasan.

Pokizalik ramzi bo'lgan billur tomchilar odamlarning qalbiga, diliga poklik va shukronalik hisslarini ulashadi. Har bir inson shu Vatanning erkin va ozod farzandi ekanidan yanada ruhlanib, qalbida faxr-iftixor tuyg'ulari favvoralaridagi jajji to'liqlar misol mavjlanishi shubhasiz.

Odina SAHOBIDDIN qizi,
poytaxtimizdagi 96-umumta'lim maktabining 9-«A» sinf o'quvchisi

SINOV

Unda Visola Meliqo'ziyeva, Nozim Hayitmurodova, Umida Islomova kabilar turli fanlardan muvaffaqiyatli ishtirok etib, 2-o'rinni egallashdi va diplom bilan taqdirlanishdi. Endi ular bellashuvning viloyat bosqichida ishtirok etishadi.

Shuningdek, maktabimizning raqs to'garagi a'zolaridan Zarina Hayitmurodova va Feruza Ahmedova 1-o'rinni qo'lga kiritishdi. Biz maktabdoshlarimizga navbatdagi bosqichlarda omad tilaymiz.

Mohinur SHOHIMARDONOVA,
Jizzax viloyati, Jizzax tumanidagi 38-umumta'lim maktabi o'quvchisi

AFSONA VA ERTAKLAR SHAHRI

Sarlavhamizdanoq gap qaysi shahar haqida ketayotgani haqida payqab oldingiz, chamasi? To'g'ri topdingiz, bugun Samarqand tumanining Gulobod qo'rg'onida o'z faoliyatini boshlagan «Barkamol avlod» bolalar markazi haqida so'z yuritimiz.

Markazning o'quv ishlari bo'yicha direktor o'rinbosari Zilola opa Abdusalomova bilan bog'langach, o'quvchilarning yutuqlari haqida suhbatlashdik:

– «Barkamol avlod» bolalar markazi yaqinda yangi binoga ko'chib o'tdi. Markazimiz zamonaviy jihozlar, o'quv anjomlari, axborot-kommunikatsiya texnologiyalari bilan ta'minlandi. Bu yerda 25 turdagi to'garak faoliyati yo'lga qo'yilgan. 500 nafarga yaqin o'quvchi-yoshlar «Yosh musavvir», «Naqqoshlik», «Bichishtikish», «Liboslar dizayni», «Kompyuter dizayni», «Mohir qo'llar» singari qator to'garaklarga jalb qilingan.

Ustozlarning sa'y-harakatlari tufayli o'quvchilarning hunar o'rganib, turli ko'rik-tanlovlarda qatnashib, yaxshi natijalarga erishmoqdalar.

Jumladan, «Yosh hunarmand» respublika ko'rik-tanlovining viloyat bosqichida «Mayda plastika» yo'nalishida Jonibek Shokirov 1-o'rinni egallab, respublika bosqichida ham faol ishtirok etdi. «Nuroniy otaxon va onaxonlarning ibratli hayoti» mavzusidagi fotosuratlar tanlovining viloyat bosqichida Shahboz Umarovning ishtiroki barchamizni xushnud etdi. Yaqinda tashkil etilgan «Barkamol avlod bolalar ijodiyoti festivali»ning viloyat bosqichida «Munchoqli bezak» yo'nalishida esa Daler Rahmonovning 2-o'rinni egallashi markaz o'quvchilarini yanada intilishga, izlanishga ilhomlantirdi.

To'garak rahbarlarimizdan U. Siddiqova, F. Muzaffarova, D. Akobirova, Z. Zokirova, K. Ziyoyeva, G. Ahrorova, M. Hamidova, G. Hidirova, D. O'lmasovalar o'quvchilarning bo'sh vaqtlariga mazmun bag'ishlab, kelgusida komil inson bo'lib voyaga yetishlariga o'z hissalarini qo'shmoqdalar.

Bugun maqsadi va maslagi bir bo'lgan samarqandlik yoshlarning yutuqlari haqida bilib oldingiz.

Siz bo'sh vaqtingizni qanday o'tkazasiz? Sizda ham yutuqlar bisyor bo'lsa kerak? Bu haqda bizga, albatta, yozib yuboring.

Ozoda TURSUNBOYEVA yozib oldi. N. SULTONOV olgan suratlar

RANGLAR BILAN DILLASHUV

Yaqinda poytaxtimizning Uchtepa tumanidagi 312-umumta'lim maktabida estetik va san'at fani bo'yicha «Mahorat maktabi» seminari bo'lib o'tdi.



Tadbirda soha xodimlari hamda tumandagi 30 ta maktabdan barcha tasviriy san'at fani o'qituvchilari ishtirok etishdi. Dastlab institut o'qituvchilari qatnashchilarga o'zaro hamkorlik va uning istiqbollari, tasviriy san'at sohasidagi yutuq va muammolar haqida so'z yuritdilar. Shuningdek, seminar ishtirokchilari bilan savol-javob tarzida qiziqarli davra suhbat tashkil etildi. Tuman «Mahorat maktabi»ning

– Bu kabi seminarlarning tashkil etilishi fan o'qituvchilarining bilim va malakalarini oshirishda muhim omil bo'lib xizmat qiladi, – deydi tuman XTMFMTE metodisti Lutfiniso Fozilova.

Tadbir davomida mazkur maktabning musiqa fani o'qituvchisi Dildora To'xtaboyeva rahbarligidagi 3-«V» va 5-«A» sinflardan iborat xor jamoasi «Bolalarni asrang» deb nomlangan ajoyib musiqiy chiqishlarini namoyish etdilar. Shuningdek, 5–6-sinflar o'rtasida «Sog'lom ona va bola» yili mavzusida asfaltga rasm chizish musobaqasi bo'lib o'tdi.

Jamoliddin ABDULLAYEV

OSOYISHTALIK QADRI

Suhbat chog'ida faxriy ustozlar o'quvchilarga qishloq tarixi, ilm sehri va hozirgi tinch, osoyishta kunlarning qadriga yetish haqida so'zlashdi. Omon Sobirjonov, Sherzod Jahongirov, Zabira Qodirova kabi ustozlar mehmonlarning ibratli hikoyalari uchun alohida minnatdorchiлик bildirishdi. Mehmonlar muloqot chog'i yig'ilganlar-ning turli savollarga javob berib, kechaga o'zgacha fayz ulashishdi.

Muzaffar AHMEDOV



Mushtariy

OPA-UKALAR

TENGDOSHLARIGA O'RNAK

Mushtariy Adhamova Toshkent shahri, Yashnobod tumanidagi 204-umumta'lim maktabining 9-sinf o'quvchisi. U rus hamda hind tillarini mukammal o'rganmoqda. She'rlari gazetamizda chop etilgan. Raqsga qiziqadigan onasi Dilfuza opa unga yoshligidan bu san'atga qiziqish uyg'otgan. Avvallari suzish, gimnastika bilan shug'ullangan bo'lsa, endilikda ustozi shotokan karate-do yo'nalishi bo'yicha 6-DAN qora belbog' sohibi Xo'jamqul Xo'jaqulovdan sportning bu yo'nalishi bo'yicha saboq olmoqda.

Shamsiddin Mushtariyning ukasi. U ham shu maktabning 8-sinfida o'qiydi. 6 yoshligidan sport bilan shug'ullanadi. Gimnastika bo'yicha 2013-yili Germaniyada bo'lib o'tgan xalqaro sport musobaqasida faxrli o'rinni egallagan. Ayni paytda karate va suzish sporti bilan shug'ullanyapti. Shamsiddinning singlisi Muslima esa 4-sinfda o'qiydi. 2 yoshidan katta sahnaga chiqqan jaji qizaloq qo'shiq kuylaganda, tomoshabinlar qarsak chalishib, uning chiqishini qayta-qayta so'rashgan ekan. Biz yosh iste'dod sohibasini ham suhbatga chorladik.

– Ona tili, matematika, rasm fanlari jon-u dilim. Ota-onam hamisha: «Hozir sizlarning asosiy vazifangiz a'lo baholarga o'qish», deb uqtirishadi. Bo'sh vaqtlarimizda oilamiz bilan «Tong yulduzi» gazetasini sevib o'qiyimiz.

Ulug' maqsadlar sari izlanishdan tolmagan insonlar o'z niyatlariga yetib, el ardog'iga sazovor bo'lishgan. Istiqloq farzandlari bo'lgan Mushtariy, Shamsiddin, Muslimaxon yurtimiz farovonligi uchun o'zining hissasini qo'shadigan munosib o'g'il-qizlar bo'lib voyaga yetishlari, shubhasiz. Chunki ular yoshlikdanoq aniq maqsadlarni ko'zlab, dadil odimlamoqdalar.

Shamsiddin

Nodira NAZAROVA

LESSON 85

O'zbekiston davlat jahon tillari universiteti qoshidagi 3-akademik litseyida xorijiy tillarni o'qitishda zamonaviy texnologiyalardan samarali foydalanilmoqda. Bu o'rinda o'zaro tajriba almashishning eng yaxshi vositalaridan hisoblangan «Ingiliz tili oyligi» da ochiq darslarning tashkil etilishi ijobiy natijalar bermoqda.

Navbatdagi ochiq dars Advertisement (reklama) mavzusida akademik litseyning 3-bosqich 307-guruh o'quvchilari ishtirokida noan'anaviy interaktiv, ya'ni aktiv o'quvchi, passiv o'qituvchi usulida tashkil etildi.

Unda mavzuni qabul qilish, holatini osonlashtirish maqsadida o'quvchilar darsni quvnoq boshqotirma, ya'ni qiziqarli matematikaga oid masala bilan boshlashdi.

INGILIZ TILIDA OCHIQ DARS

Ochiq dars mavzusiga o'tilgach, slayd-ko'rgazmalar namoyish qilindi. O'qituvchi zamonaviy o'qitishning «Work in groups» usulidan foydalangan holda o'quvchilarni guruhlariga bo'ldi va ular «Luster» metodidan foydalanib, mahsulot-

qismida o'quvchilarga «Which advert» sharti asosida tinglab tushunish (listening) vazifasi berilib, e'lon qilingan har xil reklamalarda mahsulot turlarini topish vazifasi berildi.

Keyingi vazifa gapirish ko'nikmasi (speaking) ni rivojlantirish bo'lib, unda guruhlar tarqatilgan rasmlar asosida ijtimoiy hayot uchun zarur bo'lgan mahsulotlarni sahna ko'rinishi orqali reklama qila olish mahorati sinab ko'rildi.

Ochiq dars davomida guruhlar o'rtasida bahs-munozara o'tkazildi.

Dars so'nggida faol ishtirok etgan o'n nafar o'quvchi turli nominatsiyalar bo'yicha taqdirlanib, ularga maxsus sertifikatlar taqdim etildi.

Aziza NODIROVA, Gulnora OTAJONOVA, O'zDJTU qoshidagi 3-akademik litsey o'qituvchilari

DISCUSSION OF THE SUN AND THE WIND (Quyosh va shamol bahsi)

Once it was happened that there was a beautiful contest between the sun and the wind. It was to see which of the two was stronger than the other.



The wind was very proud of itself and its prowess. It said, «Even the mighty clouds bow before me. They know that I can drive them away. And the clouds can envelop you. So you are a small thing before me». The sun said, «It is the time that will tell you who is stronger of the two»



Soon they saw a man who was wearing a coat. The sun said, «Let us see who makes the man to take off his coat»

The wind tried first. It blew harder and harder. But the man instead of removing his coat, wrapped it more and more. So, the wind failed.

Now it was the turn of the sun to try its strength. It began to shine. It became hotter and hotter. Fiercer and fiercer. Ultimately, the man felt obliged to remove the coat. The wind lost and the sun won.

Pride comes before a fall.

CONTINUE THE CONVERSATION... (Suhbatni davom ettiring...)

Fill in the missing words in the following drawings. Choose the phrases from the ones below:

- a) Yes, of course
- b) So do I
- c) Oh, I hope not!
- d) Very well, thank you

How are you?




It looks like rain.



Would you like some chocolate?



I hope Uzbekistan wins in this season.



Prepared by Dinora SHAKIROVA. Painter: YOQUBBEK

DANDY AND DOVE

Dandy asked:
- Whom do you like?
Dove:
- I like the Sun, - he answered.
- Why? - she asked him again.
- It is very nice and it warms the whole world. And it helps us when we fly.
Whom don't you like? - Dandy asked.
- I don't like wind because it can break our nests when it gets angry.

Shukrullo ABDULLAYEV



Translated by Ma'suma ILMURATOVA

WORD SEARCH

Find and separate the words in this table which belong to each row.

- Colours: Black
- Flowers: lily
- Trees: pine

P	L	W	E	E	P	I	N	G	W
F	I	R	O	W	H	I	I	E	I
B	L	N	L	I	L	T	E	Y	L
L	A	L	K	P	Y	U	E	G	L
A	C	K	M	Q	O	R	A	N	O
Y	E	L	L	O	W	P	E	C	W
P	R	O	S	E	T	U	L	E	K
I	N	E	C	Y	P	I	L	A	N
D	A	F	F	O	D	I	L	B	R

Zilola JAMOLOVA, Jizzakh region

RIDDLES (Topishmoqlar)

In the morning,
In the evening.
Do it yourself,
For your health.



Always clean your -
Face, hands and legs.
What is it with nice smells?
Try to find, you use it every day.



Kumush TURGUNOVA, the pupil of school number 54 in Urtachirchik district, Tashkent region

WORD SCRAMBLE

- Seyrettdya
- dcedei
- letesionvi
- Yesterday
- Penexsive
- posimsible
- lihoady

Dono AHMEDOVA

Navoiyni o'rganamiz

«ARBA'IN» – AXLOQIY MASALALAR MAJMU'I

So'z mulkining sultoni Alisher Navoiy ijodini o'rganish, undagi axloqiy-ma'rifiy qarashlar bilan yosh avlodni muntazam tanishtirib borish bugungi kunning asosiy vazifalaridan biriga aylandi. Shu bois, yurtimizda bu borada keng ko'lamli ishlar amalga oshirilmoqda.

Alloma «Vaqfiya», «Arba'in», «Sirojul muslimin», «Munojot» kabi asarlarida halollik, to'g'rilik, adolat masalalarini mahorat bilan ochib beradi. Uning «Arba'in» («Qirq hadis») asari, mana necha asrlarki, insonlarni ezgulikka, poklikka va halollikka chorlaydi. Sharq mumtoz adabiyotida arba'in yozish an'anasi Navoiygacha ham bo'lgan. Arba'in – arabcha «arba», ya'ni «qirq» so'zidan olingan bo'lib, qirqta mashhur, sahiih hadis mazmunini she'riy vaznda, aniqrog'i, bir ruboiyda ifodalash san'atini anglatgan.



Bu hadislarda insonlar yaxshilikka chaqirilib, yomon illatlardan qaytariladi, ular insonning hayot va jamiyatdagi vazifasini anglatadi. Masalan, «Insonlarning eng yaxshisi insonlarga foydasi tegadiganidir», degan hadisni Alisher Navoiy turkiy tilda shunday ifoda etadi:

Xalq aro yaxshiroq, deding, kimdur? Eshitib, aylashub har a'andin. Yaxshiroq bil ani ulus arokim, Yetsa ko'prak ulusqa naf' andin.

Ushbu sharh orqali insonning ulusga – jamiyatga xizmat qilishi ulug'lanadi.

Xulosa o'rmda shuni aytish kerakki, bugungi globalashgan, taraqqiyot va texnika asrida yoshlarimizning intellektual salohiyatlari fan yutuqlari bilan cheklanib qolmay, balki badiiy adabiyotga mehr qo'yishlari, Navoiy, Bobur va Qodiriy singari ajdodlarimiz qoldirib ketgan boy meroslardan unumli foydalanish, «Arba'in» singari axloqiy, tarbiyaviy adabiyotlarni mutolaa qilish koni foyda bo'lishi, shubhasiz.

Nodira MIRAHMADOVA, Xadichai Kubro ayol-qizlar o'rta maxsus Islom bilim yurti o'qituvchisi

O'zbekiston xalq shoiri Muhammad Yusuf tavalludining 62 yilligi munosabati bilan Andijon viloyati, Marhamat tumanida aprel oyi «Muhammad Yusuf oyligi» deb e'lon qilindi.



SHOIRGA ESHITROM

Oylik doirasida tumandagi barcha umumta'lim maktablari, kasb-hunar kollejlari, korxonalar, tashkilot va muassasalarda shoir xotirasiga bag'ishlangan she'rxonlik kechalari hamda davra suhbatlari uyushtirildi.

Tuman xalq ta'limi bo'limi qoshida tashkil etilgan shoir nomidagi «Yosh ijodkorlar» to'garagi a'zolari haftaning har shanba kunlari «Turon» o'quv markazi bog'ida to'planishib, shoir she'rilaridan namunalar o'qishadi, Muhammad Yusuf she'rilarini yod aytish bo'yicha o'zaro mushoira tashkil qilishadi. Mazkur bog'dashoirtavalludkunida xalq sayli uyushtirildi. Sayilga respublikamiz barcha hududlaridan adabiyot ixlosmandlari tashrif buyurishdi. Tadbirda Shoiraxon Yo'lbichoyeva (43-umumta'lim maktabi), Oysanam G'ulomjonova (40-umumta'lim maktabi), Zulxumor Orifjonova (3-IDUM) shoir xalqamiga m a n s u b

hamda o'z ijod namunalaridan o'qib berishdi. Mehmonlar tadbir doirasida shoir dafn etilgan qabristonni ziyorat qilishdi. So'ngra Muhammad Yusuf o'qigan 25-umumta'lim maktabida tashkil etilgan muzey hamda u tug'ilib o'sgan qishloqda barpo etilgan Xotira bog'ida bo'lishdi.



Bu kabi xayrli ishlarni tashkillashtirishda tuman xalq ta'limi bo'limi uslubchisi Abdurahim Bozorboyevning sa'y-harakatlarini alohida ta'kidlash joiz. Tadbir yakunida mehmonlarga yosh ijodkorlarning yangi nashrdan chiqqan she'riy kitoblari sovg'a qilindi.

N. QIDIRALIYEV

MUNISIM, QADR DONIM

Boshimizda parvonadir, Mening aziz mehribonim. Kecha-yu kunduz yonadir, Ham munisim, qadrdonim.

Yonib yashar doimo, O'ksitmasdan farzandim. Yurtga foyda bersan, deb, Ulg'aytirar dilbandim.



Anglab oling, onaning O'g'itlari sizga qarz. Tinglang uning so'zlarin, Farzand uchun erur farz.

Validangiz azizdir, Asrang og'ir yumushdan. Qimmat erur siz uchun, Oltin ila kumushdan.

Vazira MARDIYEVA,

po'yxatimizdagi filologiya fanlariga ixtisoslashtirilgan davlat umumta'lim maktabining 7-sinf o'quvchisi

Ota odatdagidek ishdan kech qaytdi. Horg'in, toliqqan gavdasini arang sudrab ostona hatladi. Bo'sag'ada uni mijja qoqmay, ko'zlari to'rt bo'lib intiq kutayotgan besh yoshli o'g'li qarshi oldi.

– Salom, dada! – dedi u quvonchdan ko'zlari porlab.

– Salom, bo'talog'im, haliyam uxlamadingmi?

– Yo'q, sizni kutayotgandim, – hovliqib dedi bola. – Dada, bitta savol bersam maylimi?

– Mayli, mayli, o'g'lim.

– Bir soatda qancha pul topasiz? – ko'zlarini piriqirib, bolalarga xos soddalik va samimiyat bilan so'radi u.

Kutilmagan savol avval otaning kulgisini qistatdi, so'ng jahlni chiqardi.

– Bu nima deganing? Nega bunga qiziqib qolding?

– Dada, iltimos, ayta qoling, bir soatda qancha pul topasiz? – oyoq tirab turib oldi bolakay.

O'g'lining javdirab tikilayotgan beg'ubor ko'zlaridan otaning ko'ngli iyib ketdi.

– Bir soatda 20 dollar ishlayman, qo'zim, – javob qildi u bolasining boshini silab.

– Yashasin! – qichqirib yubordi



O. Henri

FARZAND O'TINCHI
(Hikoya)

kichkintoy. – Dada, menga 10 dollar qarz berib tura olasizmi?

Ishdan charchab kelgani, o'g'lining g'alati savoli va endi pul so'rashi bir bo'ldi-yu, otasi tutaqib ketdi.

– Ha, tag'in nima o'ylab topding? Qayerdagi keraksiz o'yinchoqni sotib olish uchun dadam 10 dollar beradi, deb o'ylasang, chuchvarani xom sanabsan, zumrash! Men bu pulni topish uchun qanchalik

zahmat chekishimni bilmaysan-da! Qani, hoziroq o'rningga borib yot!

Mo'ltirab turgan ko'zlariga yosh qalqdi. Bolakay indamay ortiga o'g'irilib, xonasiga chiqib ketdi. Ota ham toliqqani bois o'rniga cho'zildi, biroq

h a d e g a n d a ko'ziga uyqu kelmadi. Bolasiga b a q i r g a n i uchun ko'ngli buzildi. «Mening u x l a m a y k u t i b t u r g a n i q a r a n g . T o p g a n s a v o l l a r i - c h i .

Darvoqe, 10 dollar unga nega kerak bo'lib qoldi ekan? Sababini so'ramay urushib berganim yaxshi bo'lmadi...» Ota u yoniga ag'darildi, bu yoniga ag'darildi, lekin uyqusi kelmadi. Shu tariqa oradan bir soatcha o'tdi. Bu ahvolda sahargacha uxolmasligini anglab, o'rnidan turdi. To'g'risi, uning ko'nglini boyagina farzandiga jahl qilgani qiynayotgan edi. «Chindan ham o'g'lim shu 10

dollar muhtoj bo'lsa-chi. Balki jo'yali sababi bordir...»

U o'g'lining xonasi tomon yo'naldi. Eshikni sekingina ochib:

– Uxlayapsanmi, bolajonim? – deb so'radi.

– Yo'q, uyg'oqman, dada.

Karavotga yaqinlashib unga o'tirdi-da, o'g'lining sochlarini silay boshladi.

– Boya senga jahl ustida qattiq gapirib yubordim. Mendan xafa bo'lmadingmi? Ba'zan kattalar ham xato qilib turishadi. Mana senga 10 dollar. Kel, endi eski ginalarni unutamiz...»

Xuddi shuni kutib turgandek bola o'rnidan sakrab turdi. Dadasining yuzidan cho'lpillatib o'pdi-yu, pulni olganча chopqillab borib kiyim javonidan bir dasta g'ijimlangan pullarni chiqarib, ularga qo'shib qo'ydi. O'g'lining harakatlarini kuza-tib turgan ota uni savolga tutdi.

– Shuncha puling bor ekan, mendan tag'in 10 dollar so'raganing nimasi, bo'talog'im?

– Pulim borku-ya, ammo yetmasdi-da! Mana endi ropa-rosa 20 dollar bo'ldi. Dadajon, jon dada, men bir soat vaqtigingizni sotib olmoqchiman. Faqat yo'q demang, iltimos. Mana shu pullarim hammasi sizga. Ertaga uyga vaqtliroq keling, sizni kutaman...»

Rus tilidan Jamshid MATYOQUBOV tarjimasida

BAYROG'IMIZNI KO'KKA KO'TARSAM...

Biz sog'lom bola deganda, ham ma'naviy, ham jismoniy jihatdan barkamol bolani tasavvur etamiz.

Mustaqillikning birinchi yillaridan boshlab yurtimizda sog'lom ona – sog'lom bola masalasi davlat siyosatining ustuvor yo'nalishiga aylangani, keng ko'lami umummilliy dasturlarimiz doirasida amalga oshirayotgan ulkan ishlar jahon miqyosida ham tan olinyapti. Sportning turli sohalarida biz yosh sportchilar qo'lga kiritayotgan yutuqlarimiz fikrimizning yorqin misolidir.

Tumanimizdagi ingliz tiliga ixtisoslashtirilgan internat, rassomlik va sport, musiqa va san'at maktabi, futbol maydonlari biz yoshlar ixtiyorida. Men ham tumanimizdagi 14-bolalar va o'smirlar sport maktabiga qatnayman. Unda karate, stol tennis, futbol, voleybol, basketbol, badiiy gimnastika, shaxmat-shashka, milliy kurash, yengil atletika, og'ir atletika kabi sport turlaridan mashg'ulotlar olib boriladi. Men karate bilan shug'ullanayapman. Qisqa fursat ichida ko'plab yutuqlarga erishdim. 8 karra viloyat hamda 3 karra O'zbekiston chempioni bo'ldim. Ustozim Abdulhoshim Bozorov murabbiyligida Osiyo va jahon arenalarida faxrli o'rinlarni qo'lga kiritib, yurtimiz bayrog'ini ko'klarga ko'tarish eng katta orzum.

Malohat JO'RAYEVA,
Surxondaryo viloyati, Sherobod tumanidagi Tibbiyot kolleji o'quvchisi

Andijon shahridagi 30-umumta'lim maktabida ham turli fan va sport to'garaklariga katta e'tibor qaratilmoqda. Amalga oshirilgan xayrli ishlar samarasi o'laroq, maskan o'quvchilari ko'plab musobaqalarda yetakchi o'rinlarni egallab kelmoqda.

Yosh sportchilardan 6-«Z» sinf o'quvchisi Akbarshoh Rahmatullayev o'tgan davr mobaynida o'tkazilgan turnirda 20 kg vaznda sakkiz yoshli o'quvchilar orasida g'olib bo'ldi. U Asakada bo'lib o'tgan xotira turnirida o'z vazn toifasida birinchilardan bo'ldi, shuningdek, universal jang bo'yicha Andijon shahri birinchiligida hamda klublararo o'rtoqlik uchrashuvida g'oliblikni qo'lga kiritdi.

Akbarshohning sinfdoshlaridan biri Hojiahmadbek Xolmirzayev esa Oltinko'l tumanida o'tkazilgan taekvando bo'yicha viloyat chempionatida 33 kg vazndagi bolalar o'rtasida 1-o'rinni qo'lga kiritdi. 2016-yil 10-aprelda «Sog'lom ona va bola yili» Davlat dasturi asosida bo'lib o'tgan viloyat chempionatida o'z vazn toifasida g'olib bo'ldi. Faol sportchilar ro'yxatida 6-«Z» sinf o'quvchilaridan Faxriyor To'xtasinov, Mashhurbek Asranovning nomini ham ko'ramiz. Yo'lchivoy Karimov, Anvarbek Sapayev, Dilmurodjon Abdurazzoqov singari fidoyi murabbiylar shogirdlar muvaffaqiyatidan mamnun.

Nozima JAVHAROVA

TO'RTOVVLON G'OLIB!



DUGONALAR YUTUG'I

Zarina Nosirjonova
Furqat tumanidagi

2-umumta'lim maktabining 8-«A» sinf, Dinara Sattorova 8-«V» sinf o'quvchilari.

U yengil atletika bo'yicha mamlakat chempioni. Yosh sportchining shu kunga qadar qo'lga kiritgan yutuqlari talaygina. Joriy yilning mart oyida u poytaxtda o'tkazilgan yengil atletika bo'yicha Respublika birinchiligida 1-o'rinni egalladi va oltin medal bilan taqdirlandi. Dinara esa badiiy gimnastika bo'yicha O'zbekiston chempioni. U qatnashgan musobaqa borki, yosh sportchining g'alabasiz o'tmaydi. O'tgan yili «Quvnoq karvon», «Moviy gumbaz», «Oltin kuz» kabi ko'rik-tanlovlarda 1-o'rinni qo'lga kiritdi. Ayni chog'da u «Xotira va qadrlash kuni»ga bag'ishlangan tadbirda ishtirok etish uchun qizg'in tayyorgarlik ko'rmoqda.

Shukrulla G'ULOMOV

BELLASHUVLAR MAROQLI O'TDI

Unda Toshkentning «Binokor» hamda Qozo'g'istonning «Armada» jamoalari o'zaro bahs olib borishdi. Ikki kun davomida o'tkazilgan uchrashuvlarda 6–8 va 10–12 yoshli bolalar 2 tadan o'yin o'tkazishdi. E'tiborlisi, jami o'tkazilgan 4 ta uchrashuvning barchasida yosh xokkeychilarimiz raqiblaridan ustun keldi.

Poytaxtimizda 8 yoshdan 25 yoshgacha bo'lgan qizlar o'rtasida o'zbek jang san'ati bo'yicha «Kamolot» kubogi musobaqalari bo'lib o'tdi.

Bolalar sportini rivojlantirish jamg'armasi, «Kamolot» yoshlar ijtimoiy harakati

Poytaxtimizdagi «Next» savdo majmuasidagi «Ice Rink» muz saroyida xokkey bo'yicha yoshlar o'rtasida xalqaro o'rtoqlik uchrashuvlari o'tkazildi.



BUXOROLIK PAHLAVONLAR

Buxoro viloyati Xalq ta'limi boshqarmasiga qarashli Olot tumanidagi 7-Olimpiya sport maktab-internatida hozirda 150 nafar tarbiyalanuvchiga sportning dzyudo, kurash turlari bo'yicha mashg'ulotlar olib boriladi. O'tgan yil davomida o'quvchilar Respublika chempionatlarida jami 25 ta medalni qo'lga kiritdi. Shuningdek, jahon va Osiyo chempionatlarida 3 ta, xalqaro turnirlarda 27 ta, Respublikada o'tkazilgan turnirlarda 27 ta medalga sazovor bo'ldilar.

Joriy yil boshidan sportchilar erishgan yutuqlarga nazar soladigan bo'lsak, Buxoroda bo'lib o'tgan 1999–2000-yillarda tug'ilgan o'smirlar va qizlar o'rtasidagi dzyudo

bo'yicha mamlakat chempionatida Murodjon Yo'ldoshev 55 kg vazn toifasida 2-o'rinni egallagan bo'lsa, Samarqandda bo'lib o'tgan Respublika chempionatida Nasrullo Shokirov xuddi shu vaznda 1999–2000-yillarda tug'ilgan o'smirlar o'rtasida tengsizligini ko'rsatdi. Shu bilan birga, Sirdaryoda o'tkazilgan 2000–2001-yillarda tug'ilgan o'g'il bolalar o'rtasidagi O'zbekiston chempionatida Ahmed Beshimov kurash bo'yicha 1-o'rinni zabt etdi. Otabel Haydarov esa 36 kg vazn bo'yicha 2003–2004-yilda tug'ilgan tengdoshlari o'rtasida g'oliblikni qo'lga kiritdi.

Ushbu yutuqlarni qo'lga kiritishda To'rayevlar sulolasi murabbiylarining mehnati katta ekanligini alohida e'tirof etish lozim.

Ulug'bek SAIDOV

hamda O'zbek jang san'ati federatsiyasi tomonidan tashkil etilgan musobaqada yuzdan ziyod qiz yakkama-yakka kurash va kompleks mashqlarni bajarish bo'yicha o'z mahoratini namoyish etdi.

Musobaqada vazn va yosh toifalariga ko'ra Go'zal Peysenova, Sevinch Hotamova, Farangiz Valijonova kabi sportchilar shohsupaga ko'tarildi.

Mamlakatimizda xotin-qizlarning jismoniy tarbiya va sport bilan shug'ullanishi uchun barcha sharoit yaratilgan. Buning natijasida sport mashg'ulotlariga qatnayotgan qizlar safi kengaymoqda.

Shavkat KAZAKBAYEV

Aziz o'quvchilar, sevimli gazetangiz orqali «Onajonim tabiat», «Boyligni bolalikdan asrang» kabi ko'plab tanlovlar e'lon qilinganligidan xabaringiz bor. Quvonarlisi, qo'limizdagi navbatdagi maktub ham «Onajonim tabiat» tanloviga yuborilgan bo'lib, unda jonkuyar ustozlarimizdan biri Siz aziz o'quvchilar bilan g'oyibona bo'lsa-da, tabiat haqida suhbat qurishni niyat qilgan. O'ylaymizki, ularning fikrlari sizni aslo befarq qoldirmaydi.

BEBAHO BOYLIGIMIZ

Ona tabiat go'zalligi, bebaho boyliklari – umumxalq mulki. Shuning uchun ham uni himoya qilish, ko'z qorachig'idek asrab-avaylash barchamizning muqaddas burchimizdir. Afsuski, bugungi taraqqiyot asrida insonlarning unga noto'g'ri munosabatda bo'layotgani tufayli o'simlik va hayvonot dunyosi, tuproq unumdorligi, chuchuk suv va qazilma boyliklarini muhofaza qilish dolzarb bo'lib bormoqda. Ayniqsa, yirik sanoat hududlarida ifloslangan suv, havo va turli chiqindilar bilan zaharlangan tuproq odamlar salomatligiga hamda ekologiyaga katta

zarar yetkazmoqda. Shuning uchun tabiat sofligini saqlab qolishimiz, yashillik dunyosidan oqilona foydalanishimiz va bu ishga barchamiz mas'ul bo'lmog'imiz lozim. Yana bir gap. Ona tabiatga mehr odamlarni sayohatga chorlaydi, ekoturizmni rivojlantirishga sharoit yaratadi. Organizmning jismonan chiniqishini ta'minlaydi. Shunday ekan, keling, aziz o'quvchilar, ona tabiat musaffoligi yo'lida birlashaylik!

Shahlo TURSUNXO'JAYEVA,
Toshkent pedagogika kolleji o'qituvchisi



Navoiy viloyati, Nurota tumanidagi 26-umumta'lim maktabining 7-sinf o'quvchisi Dilshoda MAMADIYOROVA chizgan rasmlar.



Suv – hayot manbai. Uni isrof qilmaslik kerak!

SO'Z O'YINI – ZO'R O'YIN (Turkum)

Dilshod RAJAB,
bolalar shoiri

SO'ZBOYLOVCHI

So'z sehrli deyilar,
Demak tilchi – sehrgar.
«S» o'rniga «M» qo'ysa,
«Sehr» do'nar «mehr»ga.

«A»ni olib bir zumda,
«Ayoq»ni «yoq» qiladi.
«Oz» oldiga «S» yozib,
Ajoyib «soz» qiladi.

Uchiradi «qovoq»ni,
«Ari» qo'yib yoniga.
(Qovoqari)
Yurgizadi «oyoq»ni,
Qo'shib «sakkiz» soniga.
(Sakkizoyoq)

Turli gullar ko'p, biroq,
«Karnay»ni ham «gul»
qilar. (Karnaygul)
Tartib bilan yuring, deb,
«Yo'l»larga «chiroq»lar.
(Yo'lchiroq)

So'zboylovchi so'z saylab,
Ko'ngillarni xushlasin.
Lekin sira ko'z boylab,
«Nay»ga «rang»ni qo'shmasin.
(Nayrang)

HARFLARGA HAZIL(LASHMA)

«Nina»ga «chi»ni qo'shdim,
(Ninachi)
Uchib ketdi pirillab.

«Kit»dan «k»ni oluvdim (It)
Jahl qildi irillab.
«Tosh»in tashlab toshbaqa
(Baqa)
Tilga kirdi «qur»illab.
«Bo'r» bilan «i»ni yozdim
(Bo'ri)
Qoching endi zirillab.

Ertakdagi «pari»lar –
«Ari» bo'lib chaqadi.
«Tosh»dan «T» tushib qolar,
Oh, mazali «osh»-da u.
...Ne xayollar kelmaydi,
Bosh harf emas,
bosh-da bu.


«Zar» o'ralsa «pechak»ka,
(Zarpechak)
Yashnamaydi, so'ladi.

TESKARI O'QIGANDA...

«Qo'y»ni ters o'qisang,
«Yo'q» bo'lib qolar.
«Zog'» birdan «g'oz» bo'lib,
G'o'ddayib olar.
«Kit» esa «tik» holda
Suzadi sekin.
«Kiyik» va «kuchuk»-chi,
O'zgarmas lekin.
Qay yondan o'qisang,
Bir xil «quduq» ham.
Qiziq-a, o'zgarmas,
O'zi «qiziq» ham.

YOZUV «YOVUZ» BO'LMASIN

«Q» o'rniga «F» yozsang,
«Qil»dan «Fil» paydo bo'lar.
«Gado»ning boshin olsang,
Albatta, «ado» bo'lar.
«Bulbul»ni «G'ulg'ul» dema,
«B» o'rnin «G'» olmasin.
«Z» o'rniga «R» yozma,
«Ko'z» «ko'r» bo'lib qolmasin.
«S»ni «L»ga almashib,
Tiniq «Soy»ni «Loy» qilma.
Harflarni chalkashtirib,
Gapni poyma-poy qilma.



BOSH HARFI OLINSA...

Zo'r «sher» «er»ga aylanib,
«Toy» osmonda «oy» bo'lar.
Ulkan «tuya» kichkina,
Qushlarga in-joy bo'lar.
(Uya)
«Buloq» o'ynar «uloq»day,
«Quyvon» «uyon» boqadi.

EHTIYOT SHART

«Qop» turibdi «qo'l» bersang,
«Qo'lqop» bo'lar kerakli.
«Qop»ga «lon» qo'shilsami,
(Qoplon)
Qoch, hovuchlab yurakni.
Tinch «yo'l» ham «bars»i
bo'lsa (Yo'lbars)
Xavotirli bo'ladi.